



საგანმანათლებლო პროგრამების აკრედიტაციის საბჭოს

გადაწყვეტილება № 12

2020 წ. 02 თ. 03

ქ.თბილისი

შპს - კავკასიის უნივერსიტეტის „ეკონომიკის“ საბაკალავრო საგანმანათლებლო პროგრამის
აკრედიტაციის შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 04 მაისის №65/5 ბრძანებით დამტკიცებული „ზოგადსაგანმანათლებლო დაწესებულებებისა და უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ თუ აკრედიტაციის დებულების 27⁶ მუხლის პირველი პუნქტის „ბ“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან“ ან „არ არის შესაბამისობაში სტანდარტის მოთხოვნებთან“ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

თავმჯდომარე

მდივანი

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

2. აღწერილობითი ნაწილი და დასაბუთება

2.1. 2019 წლის 05 ივნისს შპს - კავკასიის უნივერსიტეტისა სსიპ - განათლების ხარისხის განვითარების ეროვნულ ცენტრში (შემდგომში - ცენტრი) წარმოადგინა №211-CU-01 (ცენტრში რეგისტრაციის №706151) სააკრედიტაციო განაცხადი „ეკონომიკის“ საბაკალავრო საგანმანათლებლო პროგრამაზე.

2.2. ცენტრის დირექტორის 2019 წლის 10 ივლისის №601 ბრძანების საფუძველზე, შპს - კავკასიის უნივერსიტეტი ცნობილ იქნა აკრედიტაციის მაძიებლად. ცენტრის დირექტორის 2019 წლის 28 ნოემბრის №1154 ბრძანებით შეიქმნა აკრედიტაციის ექსპერტთა ჯგუფი, რომელმაც 2019 წლის 13 დეკემბერს განახორციელა სააკრედიტაციო ვიზიტი შპს - კავკასიის უნივერსიტეტში, ხოლო 2020 წლის 21 თებერვალს წარმოადგინა აკრედიტაციის ექსპერტთა ჯგუფის დასკვნა, რომლის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა	✓			
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა		✓		
3. სტუდენტთა მიღწევები, მათთან ინდივიდუალური მუშაობა	✓			
4. სწავლების რესურსებით უზრუნველყოფა		✓		
5. სწავლების ხარისხის განვითარების შესაძლებლობები		✓		

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული

თავმჯდომარე

მდივანი

ინფორმაცია, აკრედიტაციის ექსპერტთა ჯგუფის დასკვნა, აკრედიტაციის ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2020 წლის 02 მარტს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და აკრედიტაციის ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ ნაწილობრივ გაიზიარა ექსპერტთა დასკვნაში ასახული შეფასება.

2.5. საბჭომ არ გაიზიარა ექსპერტთა დასკვნაში ასახული შემდეგი რეკომენდაციები:

- ა) „საერთაშორისო ეკონომიკა“, „შრომის ეკონომიკა“ და „ქცევითი ეკონომიკა“ არჩევითი სასწავლო კურსების მოდულიდან უნდა გადმოვიდეს სავალდებულო სასწავლო კურსების მოდულში;
- ბ) დაწესებულებამ უნდა უზრუნველყოს პროგრამით გათვალისწინებული სწავლის მეთოდების სათანადო გამოყენება, როგორც თბილისის, ასევე ბათუმის მისამართებზე არსებულ ფართზე;
- გ) დაწესებულებამ უნდა უზრუნველყოს შესაბამისი გარემოს შექმნა ბათუმში არსებულ ფართზე და სრულფასოვანი საბიბლიოთებული სივრცის მოწყობა და მისი მომარაგება სავალდებულო და დამხმარე ლიტერატურითა თუ პერიოდული გამოცემებით;
- დ) დაწესებულებამ უნდა მოაწყოს თანამედროვე კომპიუტერული ტექნიკით აღჭურვილი კომპიუტერული ლაბორატორია ბათუმში არსებულ მისამართზე.

2.6. საბჭომ გაიზიარა ექსპერტთა დასკვნაში ასახული შემდეგი რეკომენდაციები:

- ა) მიზანშეწონილია, როგორც ეს პრეკალკულუსის შემთხვევაში, დაწესებულებამ არჩევით საგნებში შესთავაზოს ინგლისური ენა უფრო დაბალი საფეხურიდან ან A1.0 ან A1 იმ სტუდენტებისათვის, რომლებიც პროგრამაზე დაშვებული იქნებიან სხვა (ინგლისურის გარდა) უცხო ენით;
- ბ) მიზანშეწონილია სასწავლო კურსის - „ეკონომიკის სტატისტიკის საფუძვლები“ თემატიკა დაეყრდნოს მითითებულ ძირითად ლიტერატურას (ანდერსენი, სვინი, უილიამსი) ან ორი სასწავლო კურსის - „ეკონომიკის სტატისტიკის საფუძვლების“ და „სტატისტიკა ეკონომისტებისათვის“ ნაცვლად შეთავაზებულ იქნას ერთი სასწავლო კურსი რელევანტური ლიტერატურით, რომელშიც ინტეგრირებული იქნება ალბათობის თეორიის ელემენტები;
- გ) არჩევით სასწავლო კურსს - „ქცევით ეკონომიკას“ წინაპირობად უნდა დაემატოს შესავალი ფსიქოლოგიაში;
- დ) „ეკონომიკის სტატისტიკის საფუძვლები“ არის წინაპირობა „სტატისტიკა ეკონომისტებისათვის“, ამ სასწავლო კურსების სილაბუსების შინაარსიდან გამომდინარე, პირიქით უნდა იყოს და შესაბამისად, მათი სწავლების თანმიმდევრობაც უნდა შეიცვალოს ან როგორც უკვე აღინიშნა, უკეთესი იქნება ერთი სასწავლო კურსის შემუშავება, რომელშიც ინტეგრირებული იქნება ალბათობის თეორიის ელემენტები;
- ე) ხარისხის უზრუნველყოფის შიდა პროცედურების გარდა, აუცილებელია ეკონომიკის საბაკალავრო პროგრამის ხარისხის ამაღლებისთვის გარე შემფასებლების (პარტნიორი უნივერსიტეტების მხრიდან გამოძახილები, მსგავსი პროგრამების უცხოელი პროფესორების შეფასებები) მოსაზრებების, შენიშვნებისა და წინადადებების მიღება. ასეთი შეფასებები ხელს შეუწყობს პროგრამის განვითარებას.

თავმჯდომარე

მდივანი



2.7. საბჭოს მიერ რჩევების ნაწილში იქნა გადატანილი აკრედიტაციის ექსპერტთა ჯგუფის დასკვნით გათვალისწინებული შემდეგი რეკომენდაცია: „ხარისხის უზრუნველყოფის სამსახურმა უნდა შეიმუშაოს კონკრეტული რეკომენდაციები პროგრამის განხორციელების გაუმჯობესების მიზნით, რომელიც შემდგომში უნდა გადაეცეს პროგრამის ხელძღვანელებს და ეკონომიკის სკოლის საბჭოს.“.

2.8. საბჭომ მიიჩნია, რომ შპს - კავკასიის უნივერსიტეტს დამატებით უნდა მიეცეს შემდეგი რჩევა:

ა) გამრავალფეროვნდეს პროგრამაში საგნები ეკონომიკის სხვადასხვა მიმართულებით.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, აკრედიტაციის დებულების 27² მუხლის პირველი პუნქტის, 27⁵ მუხლის პირველი პუნქტის „ა“ ქვეპუნქტის, მე-3 და მე-5 პუნქტების, 27⁶ მუხლის პირველი პუნქტის „ბ“ ქვეპუნქტის, საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ, კენჭისყრის შედეგად ერთხმად

გადაწყვიტა:

1. დაკმაყოფილდეს შპს - კავკასიის უნივერსიტეტის 2019 წლის 05 ივნისის №211-CU-01 (ცენტრში რეგისტრაციის №706151) სააკრედიტაციო განაცხადი და დანართი №1-ით გათვალისწინებულ საგანმანათლებლო პროგრამას 7 წლის ვადით მიენიჭოს აკრედიტაცია.

2. ცნობილ იქნას აკრედიტაციის ექსპერტთა ჯგუფის დასკვნა შპს - კავკასიის უნივერსიტეტის „ეკონომიკის“ საბაკალავრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).

3. ცნობილ იქნას საბჭოს 2020 წლის 02 მარტის №04 სხდომის ოქმის №01 ნაწილი ამ გადაწყვეტილების განუყოფელ ნაწილად (დანართი №3).

4. საბჭომ გაიზიარა/დაამატა შემდეგი რეკომენდაციები/რჩევა:

ა) მიზანშეწონილია, როგორც ეს პრეკალკულუსის შემთხვევაში, დაწესებულებამ არჩევით საგნებში შესთავაზოს ინგლისური ენა უფრო დაბალი საფეხურიდან ან A1.0 ან A1 იმ სტუდენტებისათვის, რომლებიც პროგრამაზე დაშვებული იქნებიან სხვა (ინგლისურის გარდა) უცხო ენით;

ბ) მიზანშეწონილია სასწავლო კურსის - „ეკონომიკის სტატისტიკის საფუძვლები“ თემატიკა დაეყრდნოს მითითებულ მირითად ლიტერატურას (ანდერსენი, სვინი, უილიამსი) ან ორი სასწავლო კურსის - „ეკონომიკის სტატისტიკის საფუძვლების“ და „სტატისტიკა ეკონომისტებისათვის“ ნაცვლად შეთავაზებულ იქნას ერთი სასწავლო კურსი რელევანტური ლიტერატურით, რომელშიც ინტეგრირებული იქნება ალბათობის თეორიის ელემენტები;

გ) არჩევით სასწავლო კურსს - „ქცევით ეკონომიკას“ წინაპირობად უნდა დაემატოს შესავალი ფსიქოლოგიაში;

დ) „ეკონომიკის სტატისტიკის საფუძვლები“ არის წინაპირობა „სტატისტიკა ეკონომისტებისათვის“, ამ სასწავლო კურსების სილაბუსების შინაარსიდან გამომდინარე, პირიქით უნდა იყოს და შესაბამისად, მათი სწავლების თანმიმდევრობაც უნდა შეიცვალოს ან როგორც უკვე აღინიშნა, უკეთესი იქნება ერთი სასწავლო კურსის შემუშავება, რომელშიც ინტეგრირებული იქნება ალბათობის თეორიის ელემენტები;

თავმჯდომარე

A handwritten signature in blue ink, appearing to read "Tavmchedoma Reba".

მდივანი

ე) ხარისხის უზრუნველყოფის შიდა პროცედურების გარდა, აუცილებელია ეკონომიკის საბაკალავრო პროგრამის ხარისხის ამაღლებისთვის გარე შემფასებლების (პარტნიორი უნივერსიტეტების მხრიდან გამოძახილები, მსგავსი პროგრამების უცხოელი პროფესორების შეფასებები) მოსაზრებების, შენიშვნებისა და წინადადებების მიღება. ასეთი შეფასებები ხელს შეუწყობს პროგრამის განვითარებას;

3) გამრავალფეროვნდეს პროგრამაში საგნები ეკონომიკის სხვადასხვა მიმართულებით.

5. ანგარიშის წარმოდგენის ვადად განისაზღვროს 6 თვე - 2020 წლის 08 სექტემბრამდე.

6. საბჭოს აღნიშნული გადაწყვეტილება ძალაში შევიდეს მისი ცენტრის ვებ-გვერდზე (www.eqe.ge) გამოქვეყნების დღეს - 2020 წლის 06 მარტი.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის ქ. №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი, მე-12 კილომეტრი, №6, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

საბჭოს თავმჯდომარე

საბჭოს მდივანი

ირაკლი ბურდული

ნიკოლოზ კიკნაძე

დანართი №1

№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება ¹	ეკონომიკა
2	ერთობლივი უმაღლესი საგანმანათლებლო პროგრამა	-
3	სტატუსი ²	აკრედიტებული
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	2014 წლის 04 დეკემბერი, №236
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება ³	-
6	უმაღლესი განათლების საფეხური ⁴	ბაკალავრიატი
7	დაშვების წინაპირობები	-
8	კვალიფიკაციის დონე ⁵	მეცნიერებელი
9	კვალიფიკაციის დასახელება	ეკონომიკის ბაკალავრი
10	ზოგადი განათლების შესაბამისი საგნის/საგნების/საგნობრივი ჯგუფის სწავლების უფლების მითითებით ⁶	საფეხურის -
11	დეტალური სფეროს დასახელება და კოდი (ISCED – F – 2013)	-
12	კვალიფიკაციის კოდი ⁷	0701
13	სწავლების ენა	ქართული
14	ECTS კრედიტების ჯამური რაოდენობა	240
15	განხორციელების ადგილი ⁸	საქართველო 0102, ქ. თბილისი, პაატა სააკაძის ქუჩა №1
16	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	-
17	ამ გადაწყვეტილების ძალაში შესვლის თარიღი	2020 წლის 06 მარტი
18	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა ⁹	ანგარიშის წარმოსადგენად განსაზღვრული ვადა - 6 თვე (2020 წლის 08 სექტემბრამდე)
19	აკრედიტაციის ვადის გასვლის თარიღი	2027 წლის 08 მარტი

¹ დეტალური სწავლის სფეროს შესაბამისი

² ავტორიზებული ან/და ხელახალი აკრედიტაცია; ავტორიზებული ან/და ახალი აკრედიტაცია

³ საგანმანათლებლო პროგრამის დასახელების ცვლილების შემთხვევაში

⁴ ბაკალავრიატი; მაგისტრატურა; საბაკალავრო-სამაგისტრო; დოქტორანტურა

⁵ ეროვნული კვალიფიკაციების ჩარჩოს მიხედვით

⁶ მასწავლებლის მომზადების ინტეგრირებული საბაკალავრო-სამაგისტრო საგანმანათლებლო პროგრამის ან მასწავლებლის მომზადების საგანმანათლებლო პროგრამის შემთხვევაში

⁷ სწავლის სფეროების კლასიფიკატორის შესაბამისი დეტალური სფეროს ოთხნიშნა კოდი/ეროვნული საკვალიფიკაციო ჩარჩოს (120/ნ) შესაბამისი კოდი

⁸ ქვეყანა, ქალაქი/მუნიციპალიტეტი, საფოსტო ინდექსი, ქუჩა, ქუჩის ნომერი

⁹ საბჭოს მიერ რეკომენდაციების შესრულების თაობაზე ანგარიშის წარმოდგენის შესახებ/მონიტორინგის განსახორციელებლად გადაწყვეტილების მიღების შემთხვევაში თავმჯდომარე

მდივანი